

— Բացի հայհոյանքից ուրիշ քնն կայ մեր թերթե-
րում:

Սպանիչ ատանաացիա է դա, որ պէտք է ցնցէ
իրաքանչիւր գրչի մարդուն:

Սակայն ամենքս գիտենք այդ և ոչ ոք չի ցնցուում,
Ամենքս տեսնում ենք այդ անբարոյականութիւնը և
մաս մասի չենք խփում, չենք ջանում վերացնել այն,
հեռացնել այն:

Բայց մինչև երբ, տէր Աստուած, մինչև երբ...

Կան բազմաթիւ միջոցներ այդ ցաւի առաջն առնե-
լու և թող ներուռի մեզ, եթէ մենք մի շարք յօդուածներ
նուիրենք այդ ցաւոտ խնդրին ու քիչ երկար կանգ
առնենք այդ միջոցների վրայ:

Մոսկուա:

Ն. Միրզաշիւր

ՀԱՒԱՏԱՆՔ ԱՐԳԵՑՕՒՔ

Հայ տառերի գիւտն անողը Ս. Էջմիածնի միտքան
վարդապետ է եղել, որ յետոյ կաթողիկոս էլ դարձաւ:
Դա Մեսրոպ Մաչատըն էր, որի անունը Էջմիածնի կող-
քին (Ոչականում) է գտնուում Ս. Մեսրոպին հովանաւո-
րող, նրան պաշտպանող, նրա հետ աշխատող, թարգմա-
նող և ուսուցանող է եղել Ամենայն Հայոց կաթողիկոսը
— Դա էլ Ս. Սահակն էր:

Այնուհետև թէ առաջին և թէ երկրորդ թարգմա-
նիչները՝ բոլորն էլ Էջմիածնի սաներն ու միտքաններն
են եղել:

Հայաստանի սահմաններից դուրս՝ Եւրոպայում՝
հայ տառերի փորագրիչներն ու ապագրիչները և հայ
գրականութեան շարունակողներն ու ծաղկեցնողները
դարձեալ Էջմիածնի միտքաններից մէկի՝ Մխիթարի
չնորհին են առաջ եկել:

Այս այսպէս լինելով՝ շատ բնական է, որ հայ տա-
ռերի գիւտի և ապագրութեան յօրելեանը միմիայն Ս.
Էջմիածնում կատարելը՝ մեր առաջին և սրբազան պար-
տականութիւնը պիտի լինի: Եւ ամեն անասկ հանդէս-
ներ—լինեն նրանք կրօնական թէ պատմական—այն-
տեղ, և ոչ ուրիշ տեղ պիտի կատարուեն անչուշտ:

Նամանաւանդ որ Էջմիածինը և Ամենայն Հայոց
կաթողիկոսը իրաւունք ունին այդպիսի հանդէս-
ների համար հրաւէր կարգադրու և կատարելու:

Կրօնական հանդէս կատարել, ի հարկէ, չէ նշանա-
կում շղատանարանական խնդիրներ յարուցանել: Ոչ
ամենեինս: Այլ հայ տառերի և ապագրութեան գիւտն
անող, հայ գրականութեան պահպանող ու ծաղկեցնող
հայ եկեղեցու գաւակներին—Մայր Աթոռի հանգուցեալ
միտքանների—յիշատակի համար, նրանց խօսած ու քա-
րողած լեզուով ու ձէսերով Աստուծոյ աղօթել, Իզման
տեղում պատարագ մատուցանելով, պատշաճաւոր աղօթք-
ներ և շարականներ կարդալով ու երգելով:

Ս. հա հանդիսի ամբողջ կրօնական մասը—(ուրիշ
ոչինչ):

Իսկ դա մի այնպիսի հանդէս է, որին կարող են
իրենց ներկայութեամբ մասնակցել, — առանց իրենց կրօ-
նային զգացումները մազի չափ վիրաւորած լինելու,—
ոչ թէ միմիայն կաթողիկ և բողոքական հայերը, այլ նաև
ոչ-քրիստոնեայ հայեր, եթէ կան այդպիսիք. և նոյնիսկ
հեթանոսներ ու այլազգիներ:

Այս այսպէս լինելով՝ ոչ միայն ցաւալի, այլ նաև
ամօթալի և դատապարտելի պէտք է համարել «Մշակի»
հրատարակած այն լուրը, իբր թէ Վիեննայի Մխի-
թարեանք չեն ուզում մասնակցնել Ս. Էջմիածնում կայա-
նալիք յօրելեանական հանդիսին:

Հաւատանք արդեօք:

Նղիշէ ա. ք. Գեղամեան

ԻՄ ԾՆՈՐՀԱՌՈՐԱՆՔԸ

«ՄՇԱԿ»-Ի ՅՕՐԵԼԵԱՆԻՆ *)

IV

Վսեմից մինչև ծիծաղելին մի քայլ լինելն ասա-
ցուածքը՝ գոցէ ամենից աւելի է սազ գալիս «Մշակի»
այդ յայտարարութեանը կամ յառաջաբանին, և նրան
յաջորդող խմբագրականներին:

Մտաւորականների հետ կազմուած խմբագրութեան
քայքայուելն, ինչ ասել կուզի, ցաւալի էր: Բայց եղածն
անցած պրծած էր: Նամանաւանդ որ քայքայումը ուղ-
ղութեան, սկզբունքի հողի վրայ էր տեղի ունեցած: Եւ
ուրեմն՝ որոշ շափով օգտակար էր այդ բաժանումը և
աւ զրդիչ առիթ էր հանդիսանում երկու կողմի համար էլ,
որ նրանցից իւրաքանչիւրը աշխատի ապացուցանել իր ուղ-
ղութեան գերազանցութիւնը, առաւել օգտակար լինելը
հասարակութեան համար:

Սակայն ի մեծ դժբաղդութիւն հայ հասարակու-
թեան, ոչ Արծրունին, ոչ էլ նրա հակառակորդները
այդպէս չըմբռնեցին իրենց դերը, իրենց կոչումը: Եւ
այդ անըմբռնողութիւնում պարագլուխ հանդիսացողը
պատասմութեան զբօշակը պարզող «Մշակն» եղաւ:

Գրիգոր Արծրունին չկարողացաւ արդեօք թէ չկա-
մեցաւ դանազանել մասնաւորը՝ ընդհանուրից, անձնակա-
նը՝ հասարակականից, զգայնութիւնը՝ դատողութիւնից,
սիրտը՝ ուղեղից, ինչպէս որ պատշաճ և վայելուչ կը լի-
նէր մի փիլիսոփայութեան դեկորի համար:

«Մշակի» սկզբնական առաջնորդողներից մի ամբողջ

*) Տպագրելով մեր մշտական աշխատակցի՝ այդ
վերապարտութեամբ յօդուածները շարքը, նախապէս չնշ-
տում ենք, որ նրա միքանի կէտերի հետ համաձայն
չենք: